

CAMÚRRACANII AABII
CHÓNIWENEE, JÁNII
MICÚCACAÍI



YÁA LICÁCABANAA
CHITASHIAA
WAMURRU´ÍNÁA NÁ'A,
MICÚCANICAA

■ Nájichaa ná'a UBPD yáa
ná'a waiwaa yaineii colombiaa
íta'a.

LICÁABACANÁ LIMÁCACOO

Lia'a linumami abenacta nawowa linacu lia pazca liquenuda inijbaca lirru lia'a naiwacta inaa lia yawaiyica.

Nachuni que'e lia'a mashiderrico ya joocubecha lejoo libesunaco mawii.

Bainacui joocu narreconosia waya, ne bajida washiguia wabarruacoo ujunibi lirriclejii lia'a washina derechuca.

Na'a unidad camurrucani choniwene jaani yucacuwai nama,e yawacala limashida wayaa lia'a jinawiu namedani

wali naa cacajirricusanaaca nali naa waiwaca ya washina cainabirru.

Na'a choniwenai weena micucanica aabibi walianee lia'a wawiteeca tada linacueji leccho amarra lia washina wawiteca cha lejta waiwa.

Tada linacueji lia'a unida camurrucani choniwenai micucanica, li rreconoshia ya caweni licaba na'a choniwenai micucanica aani lita'a lieni cainabi Colombia shinaca nacajirricula na'a choniwenaica mashinicanca.

Lieni inijbaca chai wamurruca lewida ya liyada nali na'a unidaca camurrucani choniwenai micucanica aabai wowashi saicai ewaa que'e abenaa wawowa najcha linacu inaa lia'a chiotashia wamurru inaa na'a choniwenai micucanica, ya abata mawi quewique abena wawite najcha naani unidaca chitashia newau inaa nayuda waya jini,ya washina cainabi nacu. Ya leccho ewaque'e wena wacoo naibi cabenee inaa washina wowashi ya lia'a wasufriani nacu liyu lieni gueerraca namedani naani cacajirricusanaca yaineji watejii.

CONSIDERANDOS

Yia´a abenacta nawowa linacu lia pazca yawai inaca ya yerri inaa mamarraca lifirmani lia´a gobiernuca najcha na´a samanai wita medanaica, namedanimite 24 noviembre camui 2016 mayera aani.

Nacumplia que´e lia´a nafirmanica nanacu na´a choniwenai micucanica ya na´a namedanirru mashi.

Ewaque´e caweni lieni nafirmanica lijioo aabai acuerdu narricueji naa´a juezbinica cabenee inaa lia´a firmerrico yawacta nameda lia´a firmerico.

Lia´a UBPD murruerri linuque´e naa´a choniwenai micucanica manarini o cawini.

Lejta limayu´u lita´a lia´a sentencia 0067 2017, lishina wowashi lia´a gobiernuca namurru naacoo naa choniwenai micucanica ya lia´a namashicami ya nayajide, nejueda que´e nali naa nenajinaica madejcaricunaa.

Lia´a gobierno limurruque´e ya linuque´e namashicami na´a mashishinica ya lejueda nalini saica.

Waya waiwaca wameda lia pazca ya wasata nareconosia

que´e lia´a wacainabeca lejta lia´a namashidani.

Lia´a gobiernuca arruna lirreconoshia lia carrubee wawalianica.

Lia´a gobiernuca arruna limeda aabai licabacana wacanaiberru ya nali naa´a inaaca ya washielicuenee Ley 589 2017 articulo 3.

Wawalia derechu wacunisia lia yawaiyica ne joocubecha manuma waya arruna waiwacani lia´a yawaiyica besunerico.

PRINCIPIOS

Para efectos del presente protocolo se tendrá en cuenta:

Witeshi arrunai wawaliaca

■ Abenaa waya, wacainabe, wawitee ya wawanacaruca decreto 4633 2011, waya winenee tanashia wawowaini wamedacai wacainaberra ita´a.

Ichaba licabacana lia´a ley caweni caba waya

■ Ley quechanacusai washina, ya washina derechu wamanaba yuu ya naa aabi leyca.

Waiwani cabayainta

■ Cabayaintaica nashina naa´a namedanirru mashi Ley 589 2017.

Mawiyi wawana cala nacu ya joocai enajta wawana cala nacu

■ Líaa mawítaa wawalia líaa wawácalauca mawíi cawénii wayaii gubierno ruíi.

Wawánacaulaca yáa líaa wamedauináa washináu

■ Wawácalau wayáú washina chacalee ricúu. ewaquée napaidaa walíi líaa mashii namédanii walíi.

Cawountaquée wacabaa líaa washinaa derechucáa líaa nainunii namedanii walíi checanácuu

■ Lestaa limáyúu líaa conveniucáa 169 de OIT capitulo étnico del acuerdo final. lestaa mashii limédanii walíi baitanacuu yáa líaa jooaii liméda baitanacúu.

Íchabaa witeshii, yáa abataa witeshii masderríi

■ Naa choniwenaica gubiernoo sinaaca jocanii cawénii cabawayáa namánamináa mawítetawayáa washinaa cainabii yaijichauu rúaa matúwacaa.

Líaa náteeiyuu chowineii mashii yúu abaii comunidad rúu limédamináa nalíi mashii náa waiwaa yánaii améericaa itáa quinínamaa.

Watiania wájjichawacoo íchabaa witeshii ricuejiuu

■ Arrúnaa jucámarracanii líaa wéminicaa yáa líaa waiwani ináacaa.

Arrunaa nayáa náa chóniwenaicaa yawanicaa namédanii rúu máshii

■ Arrúnaa nayácaa náa namédanii rúu mashii nájjichaa náa murreineii náa micúcnicaa.

Licábacanáa namúrru ináa líaa saicaica wájjichawacoo

■ La UBPD, camúrcanii choniwenaii micúcnicaa limurru minaa licabacana najcha na´a waanacaleneca ya najcha na´a wayani yajcha organización waiwa shinaca.

Licumplia que´ iuu lia´a derechu nawalianica naa´a familia ya naa´a inaaca ya naa inue´nee´inaa waishiirricu mamarraca

■ Warruni jina quewique´e naa´a inaaca nayaque´e lirricu lia´a namedani na´a unidad camurrucani choniwenai jani micucacai.

CAPITULO 1

CHUANSHI CAWENI, MAQUERRI INACOO QUININAMARRU

Artículo 1

WAMÚRRUQUÉE LÍCÁBANÁA LÍAA
WITESHICAA, CHITASHÍAA
LIMÉDAUINÁJININI NÁJICHAA NÁA
CHONIWENEII CAMÚRRUCANII
NÁA MICÚCANICAA

Éwaque'e nainuu nanácuu.

Artículo 2

INÍJIBAA WAINUQUITALAA
ÍNÁCAA:

- a. Wachúniquée nalíi, née yáwaiyícaa náa namédanii rúu mashii.
- b. Watuyaaquée náa chóniwenaícaa múrreínee náa chóniwenaii micúcanícaa.
- c. Nacúnshiaquée líaa limáshicamícaa yawaiyícaa.
- d. Wachúniquée náa gobiernuu shínaa chóniwenaícaa wamúrru ináa chóniwenaícaa micúcaníca.

Artículo 3

LÍAA NACÁBAUCANII

LÍAA WACÁBAÚU WACÁINABIRRAU

Arrúnaii Médacoo saícaa bániuu
wawítterricuejíuu quinínamaa rúu éwaquee
abenáa wayáa bániuu.

LÍAA GUBIÉRNAUCAA ARRUNAA LIMÉDAA ÁBATÁA JÓCAI ÍNÁA MEDAA MASHII

Jócubecháa líndaa, nabaúldaa
wayáa, níwatáa jaíi namédaa walíi mashii
jaíi namánaa cárruu wayáii.

WÍTESHII QUINÍNAMAÁ SHINAA

Áabenaaquée wawítee wacábaa líaa érrica.

WACÁBAUU ÉRRII NARRICUEE NÁA ESPÍRITUCAÁ

Wáa lidánaníi líaa wawítee
espíriturícuesaícaa, cawauntaquée
nacábaa líaa mánalii yáctacaa yáa líaa
washínaa manuaícaa, wawérinaii
shínaícaa. Nacumpliaquée walíi yáa
wewaquée wacábacanií nájichanií.

CAPITULU II

NATÚYAQUEE YÁA JÓCUBECHAA NÁINDAA MASHII BÉSUNACO WALÍI

Articulu 4**LICÁBACANÁA NATÚYACANII**

Líaa UBPD namédaquee walii líaa tanéerrico nalíi náa quinínama náa chóniwenáicaa.

Articulu 5**LICÁBACANAA WATUYAA INÁA
WASHINAA CAINABIU**

Líaa natúyaucáa néwanii naméda naj'náa catúyacanii washina cainabii (guardia indígena) yáa nayudaquéé wayáa 'abii entidabini.

Yáa náa gobiernu gentecaa rúnaa nasataa injíibaa éwaquee nawórroco.

Articulu 6**LICÁBACANAA NATUYAA LÍAA
NAYÁA QUITÁCAA**

Líaa ubpd litúyamináa líaa útawícaa naquéniquitáa náa nainuedánica.

Articulu 7**NÉWIDAQUITÁA LINÁCUU LÍANI
TANÉRRICO**

Lia 'a UBPD liteemina lieco licabacana lienii witeshi cawenica ewaque lewida líacoo mamarraca linacu lia washina wawanacalauca wawite ricueji.

CAPITULU III

EWA QUE'E WAWARRUACO WACABA LIA'A TANERRICO

Articulu 8**Derechu waleena madejcana linacu
lia'a besunerrico**

Lia'a UBPD licumplia mina naiwa wali, chitashia licabacana manali naya jini naa choniwenaica namurrunica ya namurru aabata cahsta iwadederri nanacu.

Articulu 10**LICABACANA LINACU LIA
NAIWACTACANI**

Namaaca minaa aabai chuanshi linacu lia'a mashi namedanica quinamarru ya lia'a nashina namacani nacajirricu na'a wanacaleneca.

Articulu 9**WATANIA WAJCHA WACOO**

Nejueda que'e wali chuanshi jucamarrana.

CAPITULO IV

ARRUNA WACHUNI SAICA AABATA WOWASHI NAJCHA NA'A GUBIERNU SHINA CHONIWENAICA

Artículo 11

AARUNA BAQUERRI WAIWERRI YÁA NAÍBI NA'A UNIDAD CAMURRUCANI NAA'A MICUCANICA

Nawinani na'a comisión derechos choniwenai shinaaca.

Artículo 12

ARRUNA AABI YÁACA CABÉNEE INAA LÍAA'A MÉDERRI INÁACO JANEU YA NAWINANI NAIBICHA NA'A CINCU ORGANIZACIONCA WAIWASHINAACA

Lia'a movimientuca waiwa shinaca yaine Colombia itaa'a, nateemina lieni wowashica najcha na'a unidaca murruee na'a micucanica. Arruna nasata nemiu naa waiwa witaa méedanaica leccho linacu lia'a namedani ináaca.

a. Liaa'a arrunai inaa méedaco.

b. Arruna nameda licabacana cashta nacu.

c. Wameda abai trabaju warruwa yúu nanacu na'a micucanica nainuedanica.

d. Wameda aabai conveniu proyecto shina najcha na'a UBPD ya leccho na'a movimientuca waiwa shinaca.

e. Arruna jucamarra wachuani najcha na'a UBPD ya najcha na'a waanacaléneca nashina resguadú.

f. Wamúrrequée licábacanaa chitashiaa ináa nawarrua inauu wacainabi italaa.

Artículo 13

WAYÁTCHUN WAIWACAA TRABAJINEI INÁA NÁJICHA NÁA CAMÚRRACANI CHÓNIWENAI MICÚCANICAA

Lindaqée abatáa wówashii watrajáyu ináa wawíterricuejiu.

CAPITULU V

NIJIBAA WÉWIDAU INÁA RÍCUBÁA

Articulu 14 WAMÚRRUQUÉE

Náa waíwacaa, arrúnaa nacábacaa, yáa nalenaa linácu líaa bésunérrico, abenamaa nájjicha náa camúrrucani nainuadanínicaa. Nájjichaa SIVJNR.

Articulu 15 LICÁBACANÁA WAMÚRRU INÁA NÁA MICÚCANICA ÁNII WAYÁQUITACA YÁA MACÁJIRRAA CAINABII COLOMBIA ÍTAA´A

Namurru mina licabacana lirru inaa lia´a namurru inaa na´a micucanica nainuedanica.

Articulu 16 LINUMAMI AABI PAISBINI YAJCHA

Namurru mina naa micucanica aa´a linumami aabi paisbini yajcha.

Articulu 17 NEJUACOO BANIU NAJUNCHA YÁACACO NÉENEJINAI YAJCHAU LIAWINAMI MICÚCA NAYÁ

Articulu 18 YAARRUSHI TRAWAJÚCTARA NAWARRUACOO, UJÚNI CALÍSACA, DÚLI MANUA, YA MADÁCABEE

Arruna wamurru íchaba licábacana wewau inaa waínu nanácu naa´a micucánica.

Artículo 19

CHAMAI LICABACANÁ, NAMURRU INAA NA´A CHONIWENAI MANALÍNICA, NEWA NAQUENI NAYÁ NEWA NAMURRU NAYA LECCHO SATÉLITE RRICUEJI JOOCANI ARRUNA DÚNU CAINABI

Artículo 20

WAINU NANÁCU YA WAJÉDA LIA´A NAMASHICAMICA YA NAYAJIDEE, TASHIA NAYACTA MIJINI YA NEWAA QUE NACHUNI BANIU LIA´A WACAÍNABERRACA

Artículo 21

WACUNSHIA QUE´E WACABA LIA´A NAMASHICAMICA

Namurru mina licabácaná, nucúnsia que´e naa´a mashiquisinica, waiwa witericueji leccho.

Artículo 22

Nejedacta namashicami wawítee cabácana rricueji.

Natániamináa nájjichawco, jaictáa nuejedáa namáshicami náa manalimícaa, yáa wawítericuejiu lécchuu.

Artículo 23

NÉJUADACTÁA LÍWANÁA CHÁJII, NÉE JOCAITÁA NÉNTREGÁA LIMÁSHICAIMI NÉNENAI RÚU

Namácani nérra, tráwaujucala naindana nénenii, cawénicalaa naindaa nénenii.

CAPITULU VI

WACÁBAQUÉE CHITASHÍAA LÍAYUJINII, SAICAQUITANII O MASHIWÉE LÍACO ÉWAQUEE LICHÚNICO LIACOO

Articulu 24**WACÁBAQUEE NAJCHA CHITASHIA
LÍACAJINI**

Nameda mina aabai sistema yawaiyi saicaica quinamarru, nachunique´e lia´a mashi namedanica, ya jocubecha libesunau mawi



UBPD

UNIDAD DE BÚSQUEDA
DE PERSONAS DADAS POR DESAPARECIDAS